



UNIVERSITÄTS-
BIBLIOTHEK
PADERBORN

Provincia Sicvla.

[urn:nbn:de:hbz:466:1-68899](https://nbn-resolving.org/urn:nbn:de:hbz:466:1-68899)



ANNVÆ LITTERÆ
SOCIETATIS IESV,
ANNI M. DC. III.

PROVINCIA SICVLA.



VMERAVIT hoc anno Prouincia Sicula Socios viginti septem supra quingentos, in duodeuiginti domicilia distributos. Domus Professa vna. Collegia tredecim. Domus Probationis due, Totidem Residentiæ. In Panormitana domo Professa, degunt è nostris duo & quinquaginta. In Collegio nonaginta quatuor. In Tyrocinio quadraginta quinque. In Collegio Messanensi quatuor & nonaginta. In domo Probationis quadraginta. In Catanensi Collegio vnus & viginti. In Syracusano vno plus. In Caltaieronensi viceni. In Biuonensi totidem. In Monteregali septemdecim. In Menenino vndeuginti. In Caltaninettensi sexdecim. In Drepanensi decem & nouem. In Lilyberano quindecim. In Melitensi vndecim; totidem in Rheginensi. In Chia Residentia sex. In Agrigentina quinque. E vita excessere decem; viginti ad Societatem accessere.

PANORMITANA PRO-
FESSORVM DOMVS.

AVINCVLIS corrogata pecunia, eruti sunt ferme centum quinquaginta, in quæ propter æs alienum coniecti fuerant; ad concordiam pluri mi reuocati, qui etiam consanguinei, vel coniu ges, acerbis tamen inter se odiis dissidebant. Se natus etiam cum Equestri ordine; Archiepiscopus cum Inquisitoribus; Prætor cum vno ex Senatori bus nostrorum opera conciliati sunt.

CONCIONES quadragesimales ingenti om nium ordinum applausu atque concursu habitæ, quibus sexta quaque feria sermo de Christi Do mini cruciatibus est additus; quem Psalmus quin quagesimus musicis decantatus numeris excipie bat: quæ omnia tantam ad permouendos homi num animos vim habuere, vt quàm plurimas à tur pi quæstu muliereulas auocarint; quarum alias in matrimonium, alias in aliquo alio honestiore loco, piorum hominum eleemosynis adiuti collocaui mus; eademque opera virginibus nonnullis, quæ in magno integritatis periculo versabantur, sub uentum est.

LASCIVVS adolescens, qui puerum hone stum ad infame scelus assidue sollicitabat, à nostro sacerdote monitus, nisi ab incepto desisteret, Deo se honestatis vindici pœnas luiturum, irrisit homi nem; sed breui, ignito aræ fistulæ globo ictus, sensit quanto fuisset satius bene monenti sacerdoti obtemperare.

EGREGIA etiam hoc anno fuit Panormita-
norum

norum in nos liberalitas, tum eorum qui integra valetudine, tum eorum qui iam iam morituri elemosynis, ac legatis nostram inopiam subleuarunt. Cū enim fures quidam scalis nisi, per infimas templi nostri fenestras ingressi, eò peruenerint impietatis, vt sacras pixides argenteas per summum nefas furari non reformidauerint, & sacrosanctas Eucharistiæ particulas, profanis manibus eductas, in ipsa altaris planitie coaceruare: commouit ea res hominum omnium animos, & tantam quisque pecuniæ vim ad illatum damnum instaurandum contulit, vt satis superque fuerit ad multa alia sacrorum altarium ornamenta. Duobus item hoc anno facellis extructis auctum amplificatumque est templum nostrum.

Don Laurentius Figueróæ Feriæ Dux, & qui pro rege prouinciam moderatur, auita in nos animi propensione constanter est vsus; sæpe in cœnaculo nostro, vna cum filio vnico à nobis prandio exceptus est; frugali illo quidem, sed quo, propter singularem erga nostros homines beneuolentiam, mirifice se delectari asseueraret. Is rem diu frustra à nobis tentatâ ad optatum exitum perduxit; nouam scilicet viam, quæ à nostri templi principe ianua ad Toleranam viam recta duceret, non modo aperiri permittit; sed ipse quoque cum Senatu, atque viris primoribus, solemni ceremonia, argenteoque malleo plures ictus in obstantem viæ parietem ingeminavit; idque congregationis prouincialis primo die, felicibus nimirum auspiciis fieri cœptum est.

 C O L L E G I V M P A -
 N O R M I T A N V M .

I N O P I N A T A hoc anno sese nobis obtulit
 exercendæ patientiæ opportunitas ; cum enim
 maxima ciues vrgerentur frumenti penuria , infa-
 num , vti in plerisque assolet , vulgus societatis vi-
 ros eius calamitatis auctores , nulla profus ad-
 ducta ratione passim clamitare , sibilis , conuiciis , ac
 maledictis excipere ; verbera etiam post verba
 minitari ; sed silentio , tolerantia , atque dissimu-
 latione nostrorum ita fracti sunt , vt etiam puderet
 eos tam leuiter , tam indignum de nobis facinus esse
 suspicatos , breuique ad pristinam in nos beneuo-
 lentiam redierint .

E R V D I T I sunt Christiana doctrina non mo-
 do pueri , sed passim per omnia ciuitatis compita
 rudis plebecula , Æthiopes , cæteraque id genus vi-
 lissima mancipia . Item ad eos qui in vinculis deti-
 nentur pij sermones habiti ; qua re factum , vt non
 pauci ad meliorem frugem redierint , & quæ per
 plures annos conticuerant scelera , pœnitentiæ sa-
 cramento expiauerint : in quibus quidam fuit , qui
 inimico , à quo fœdum vulnus acceperat , iniuriam
 penitus condonauerit . Alter vero ab impuditiæ
 cæno , in quo diu volens iacuerat , emerferit . Hæc
 externa sunt , illa vero domestica : frequentior solito
 scholasticorum externorum numerus , feruor in
 litterariis exercitiis , modestiæ cæterarumque , quæ
 eam decent ætatem , virtutum exempla . Ex parthe-
 nio sodalities tres nostrum , alij alios sacros ordines
 sunt secuti .

O B I I T

SICVLA.

OBIT hoc ipso anno P. Franciscus Chiaranda spiritualis coadiutor, Caltajerone nobili loco natus; quadragesimum & quartum annum egerat, cum ingressus est Societatem, in eaque vixit tres & viginti, vir miro animi candore atque demissionis insignis, omnibus carus, & qui extrema etiam senectate affidue puerorum exomologeses excipiebat, quasi integris esset viribus. Huic comes additus Io: Baptista Belmisserius, Appiæ in Gallia cisalpina natus, indole & ingenij perspicuitate clarus adolelescens.

COLLEGIUM
MESSANENSE.

QVÆ ad externos scholasticos pertinent, ferme sunt cum collegio Panormitano communia; quod etiam dictum sit de reliquis collegiis, de quibus deinceps. Illud peculiare est quinos in Societatem admissos, totidem in Capuccinorum familiam; Fratres germanos duos ab alterius cæde, in quam conspirauerant, absterritos. Illud præterea litterarum monumentis dignissimum accidit, quod mox apponam.

PECUNIÆ quidam sibi creditæ in alea ludendo iacturam fecerat. Quamobrem ad id miser desperationis præcepit, ut seque animamque suam diabolo deuouerit: usus est iure suo hostis teterrimus: hominem solum de nocte dormientem aggreditur, atque ita gulam manibus suffocat, ut & alter oculus resilierit, & ad implorandum coniugis, quæ in proximo dormiebat cubiculo, auxilium, vocis omnem sonum intercluserit; pu-

gnis tamen parietem tundit: quibus excitata aduolat, virumque semimortuum, fufis ad Deum precibus in pristinum vigorem reuocat. Statim atque dies illuxit, ad nos se confert, totius vitæ scelera sacerdoti aperit, prauam ludendi consuetudinem detestatur, terrore mali dæmonis, quem conceperat, liberatur.

ABSCCESSIT è viuis Simon Chitinus Calaber futor sexagenarius, ex quibus extremos septem paralyticus iacuerat, magna cum animi alacritate; nihil aliud dolens, quàm quod ob morbum aliis, qui ipsi ministrarent, molestus esse cogeretur. Vixerat in Societate annos triginta. Alia virtutum exercitia quotidiana sunt.

C O L L E G I V M C A T A N E N S E .

NOSTRORVM opera à turpi vita auocatæ sunt mulieres quattuor; totidem, ne in simile scelus inciderent, adiutæ; multisque egentibus necessaria suppeditata. Ex his virgo honesta, inuitis domesticis, domo abstracta ab impudicis adolescentibus, qui commutato habitu, atque vultu ne agnoscerentur, strictis armis id scelus perfece- rant; licet triduo apud illos variis in locis fuerit, nullis tamen vel minis, vel precibus adduci potuit, vt sui corporis copiam faceret improbis raptoribus. Res tandem tota eum ad nostrum sacerdotem delata esset, is ita se prudenter gessit, vt integra pudicitia puellam liberauerit.

TURCA præterea, apud nos Christianæ fidei documentis instructus, ad Christi castra sacro baptismo

ptismate lustratus accessit. In grauem morbum incidit Natalis quidam, temporalis coadiutor, cui ad graues ac diuturnos corporis cruciatus illud etiam grauius accedebat, quod horrendis spectris à malo dæmone territabatur: quæ tamē omnia animi summa æquitate, atque constantia non ferebat modò, sed fortiter superabat. Demum ipso Christi Domini natali die, quo etiam ipse die in lucem editus fuerat, mortem oppetiit.

COLLEGIUM SYRACVSANVM.

COMPOSITA sunt hîc grauia Ecclesiasticorum cum nobilibus laicis dissidia. Instante iam, impò latè grassante propter frumenti inopiam acerba fame, quadraginta horarum preces nostro in templo institutæ sunt: quarum ea apud Deum optimum fuit vis, vt frumentaria nauis, quæ alios omnes portus cogitarat, ipsa maris & ventorum agitatione ad Syracusanum littus applicuerit, idque eo die qui D. Iosepho sacer erat, cui etiam Collegij templum dicatum à fundamentis fuerit, quæ res mirum in modum ciuium omnium in nos studia conuertit. Aucta est argenteo lychno sacra suppellex, templum vero eleganti sacello, quod Angelis construxit dicauitque femina nobilis. Diem suum obiit Michaël Franciscus, candidi adolescens animi, qui vigesimum vitæ annum non attigerat, post decimum verò quintum in societatem fuerat ingressus.

COLLEGIVM CALA-
TAIERONENSE ET
MONREGALENSE.

PRÆTER obitum Patris Alphonfi Charybdij, nihil est quod vel aliis collegiis non conueniat, vel adeo magna animaduersione dignum videatur; obiit ergo Charybdius vir ad omnia summa atque excelsa natus, non iis modo carus quibuscum diu esset versatus; sed ea morum facilitate ac suauitate, vt quemcumque semel fuisset allocutus, eum statim arctissimo sanctæ charitatis vinculo sibi deuinciret; quibus verò virtutibus, quantaque in Deum O. M. Dei-paramque matrem religione fuerit, haud facile sit nescientibus explicare. Quattuor erat votorum professus; omnia ferme Societatis munia, quæ tales viros decent, egregie obietat; sed in concionando tamen summum leporem, eloquentiam, summam denique laudem fuerat assecutus: quamobrem quisque nihil sibi acerbius eius morte accidisse ingenue profitebantur; adfuerunt ad eius cohonestandas exequias, omnes religiosorum hominum familia; tanta præterea multitudo, vt templo nostro quam satis amplo capi vix posset; omnia luctu atque gemitibus personabant. Immaturum profecto funus; quadragesimum enim annum vix excesserat, cum ingentes Societatis nostræ spes cum ipsius vita pariter concidere. Messanensis fuit, duos habet superstites natu maiores in Societate fratres, quibus, sicuti etiam omnibus, magnum reliquit sui desiderium.

IN

IN Monte-regali mulier, cui filius violenta morte sublatuſ fuerat (quod diu ante renuerat) noſtro adhortante ſacerdote, vt homicidæ ignoſceret animuſ induxit. Item ad meliorem formam monialiuſ cœnobiuſ induſtria, & labore noſtrorum hominuſ redactuſ eſt.

COLLEGIUM

RHEGINVM.

SACRI ieiunij tempore, conciones à noſtro ſacerdote in æde vrbiſ primaria habitæ ſunt; in noſtra verò ſexta quaqueſ feria ſermo veſpertinuſ, magno vtrumque cum fructu, & moruſ in meliuſ cõmutatione; In extirpandis odiis, quæ maxime in hac ciuitatè pollent, laboratuſ eſt. Fratres germanoſ duoſ capite damnatoſ, vt pacem ab inimicis & peterent, & impetrarent, noſtris hortationibuſ perfecimur. Qua re non ſine magna vtrinque lacrymaruſ copia tranſacta, fratres non modo mortem, cui ſe ſciebant obnoxioſ, non horruere, ſed alacriter expectatam in ſuorum ſcelerum expiationem adiuere.

COLLEGIUM DREPANENSE AC LILYBETANVM.

AVCTVM eſt hoc anno Collegiuſ Drepanenſe eorum ſacerdotuſ numero, qui tertio exercentur probationiſ anno; quorum, vt par eſt, opera, maioſeſ fructuſ attulit Drepanitana ſeges; multæ ab honeſtatiſ discrimine erutæ mulieres,

heres, multi à profundo peccatorum cæno liberati, & alia huiusmodi ad maiorem Dei gloriam perpetrata. Nobilis genere ac pietate mulier eo ipso die, quo vir eius è viuis excessit, antequam ei iusta persolueret, pœnitentiæ se atque Eucharistiæ sacramentis, contra vim doloris ingentem præmuniuit. Quod idem per singulos festos dies de more præstitit; idque prodigij loco esse debet, cum Drepani sint communiter in deplorandis defunctis propinquis supersticiosiores, ita vt vnum aut alterum sæpe annum, intra domesticos se parietes contineant. Vir nobilis quingentos nummos aureos, ad templum nostrum peristromatis ornandum, dono dedit. Alter in extremo vitæ periculo, dissenteria laborans constitutus, nulla medicorum ope præsentente, sacro perunctus oleo, cum B.P.N. Ignatij opem implorasset, breui pristinam valetudinem recuperavit.

MARSALENSIS, seu Lilybetani collegij templum, quod magnifice fundatum superioribus annis fuerat, magis magisque in dies properat ad fastigium, ita vt nihil in hac ciuitate pulcrius vel spectatu dignius videatur.

C O L L E G I V M

M E N E N I N V M E T

B I V O N E N S E .

MV L I E R quædam ad sacrosanctum Angelorum conuiuium lethalis culpæ conscia cum accessisset, religione perculsa, magnum se quid fecisse rata est, si sacram particulam ex ore depromptam sudariolo potius inuolueret, quam pe-
ctori

Etori committeret tantis sceleribus commaculato; ita sane fecit, eamque in arcula domi repositam tres ad menses diligenter asseruauit; tum vero ad mentem rediit, remque totam sacerdoti aperuit; censuit ille oportere omnino, quo meliore fieri posset modo, sanctissimam Eucharistiam in templum ad suum locum deferri. Domum illa repetiit, quod tam diu summa cum cura custodierat, nec multo ante in arca reliquerat, nusquam inuenit; nimirum ad nihil videtur aliud diuina maiestas in tam indigna sede morata esse, nisi vti stultam illam mulierem, veluti palabundam ouem, ad sua septa per pœnitentiam reduceret; quo præstito, non fuit quòd ibi amplius moraretur.

VIR etiam non vulgaris, cum per octo ipsos annos & Pœnitentiæ, & Eucharistiæ sacramenta sacrilegus vsurpasset, graui inter ludèdum vulnere percussus, ita suum scelus agnouit, vt & acceptam percussori iniuriam condonauerit, & confessione expiatus, vir alius omnino videatur. Excursum est per vicina oppida non sine magno Christianæ rei emolumento. Decessit è vita P. Ioseph Leonardus senex, Meneninis ciuibus apprimè carus. Item in Bibonensi Collegio Cæsar Bausottus. Cætera quotidiana sunt & dictis plane similia.

COLLEGIUM CALATANESSETTENSE.

INTER quinque, quos ob admissa scelera suspendio iudex addixerat, parens erat cum filio; parens verò (quæ naturæ vis est) non tam sua quàm filij morte, ita animo conciderat, vt vix
com-

communi sensu, atque ratione uti posset: nostro tamen sacerdote, ad exonerandum peccatis animum, suauibus verbis & hortationibus adigente, statim atque id præstitit, tantos sibi ad ferendam doloris acerbitatem addi animos sensit, ut dum ad supplicium duceretur, gratias Deo ageret; ac singulos scælæ gradus, quibus ad mortem properabat, signo crucis impresso, exolcularetur.

O P I F I C V M sodalitas, cum in magna terræ siccitate quadraginta horarum precibus insisteret, ingentem à cælo pluuiam, atque inexpectatam impetravit; qua re factum est, ut alij atque alij, in idem Sodalitium se admitti, enixe postulauerint. Quidam etiam ex scholasticorum sodalitate à desperato morbo conualuit, postquam D. Virgini certa quædam ieiunia deuouit.

C O L L E G I V M

M E L I T E N S E .

M E L I T Æ, cùm certus esset rumor, quàm primum classem inimicam aduenturam, omnium fere suburbiorum incolæ sese in metropolim recepere; ubi ad impetrandam Dei O. M. clementiam à nobis incitati, ita se gessere, ut & communem generis humani hostem ab animis excluderint, & iam iam aduentantem inimicam classem, à suis procul finibus prohibuerint. Deinde cùm ad oppida circumfita excurrissemus, tantus erat eorum numerus, qui ad peccata aperienda accederent; ut cum à prima aurora ad tertiam noctis horam audirentur, satis omnibus fieri non posset.

Itaque

Itaque sub dio non pauci ventis atque imbribus expositi, ad nostræ domus fores recubabant, ut summo mane primi ad confessionem adhiberentur. Fuit inter hos qui suorum scelerum dolore sollicitus, per octo ipsos dies noctesque nihil quicquam somni ceperit. Illa verò communis omnium vox erat, se ad illam diem nihil, præter nomen, aliud Christiano dignum habuisse. Fuere qui inimicos, à quibus maximis essent affecti iniuriis, diu diligenter quæsitos, non amplexarentur modo, sed ad eorum genua cum lacrymis aduoluerentur.

Hic etiam B. P. Ignatius, quàm sit Deo gratus, quantumque apud illum possit, pluribus argumentis declarauit. Territabatur à diabolo quidam, & ne amplius sacerdoti peccata aperiret, commonebatur. Frustra enim id à se fieri, & irritas esse omnes ipsius confessiones inculcabar. Hic igitur frustulo puluinaris Patris armatus, ita hostem terruit, ut ne mutire quidem amplius ausus fuerit.

ALIA quoque puella tam familiariter demonum consuetudine utebatur, ut cum illis vna pranderet, ac cænarer, quæcumque vel domi, vel ab illis pararentur. Huius mater cum id ad nostrum sacerdotem detulisset, obstitit ille, ut par erat, & feminæ, quidnam consilij caperet nescienti, B. Patris imaginem papyro impressam dedit, qua se suamque domum totam contra omnes hostium conatus tutam fore confideret. Cum igitur de more illi aduentassent, ita nostri ducis etiam mutò vultu territi sunt, ut nihil, præter ingenti furore permistas minas, intentarint. Cumque id semel & iterum factum esset, intra paucos dies, omnino neque ad puellam, neque ad vſitatam domum accedere: atque

que ita quod exorcismis, alijsque huiusmodi remedijs obtineri non poterat, B. Patris imagine à Deo O. M. impetratum est. Reliqua quoniam similia sunt, & ne nimij esse videamur, scientes prætermittimus.

D O M V S P R O B A T I O -
N I S M E S S A N E N S I S E T
P A N O R M I T A N A .

IN vtraque probationis domo, tanto animi ardore adolescentes nostri, ad sui ipsorum victoriam insudauere, vt numquam stimulis, frans verò sæpissimè opus fuerit, præcipue in nosocomijs; in quibus digna B. Ignatio & Xauerio exempla, quidam præstitere in procurandis ægrotum corporibus, quorum ipsa species stomachum moueret. In Panormitana verò ad meliorem vitam festinauere Petrus quidam Sueda Melitensis: & Petrus Cutrona Calataieronensis, probatæ vterque virtutis, ac modestiæ specimen egregium.


SED dum Cutrona extremas vitæ horas agit, & Tyrones de more in suis quique cubiculis pomeridianæ orationi vacant; cæcis cælum nubibus obtenditur, vnde ingens tempestas, ventis inter se luctantibus, cooritur; magna vis pluuiæ ingruit, tonitruis ac fulgetris omnia complentur; tactæ præcipue de cælo sunt nostræ ædes, tam vago fulmine, vt parietes quidem viginti amplius locis transfolios reliquerit, ab hominum tamen damno omnino abstinerit. Quæ res quoniam miraculo proxima visa est, ad agendas superis gratias, quod præter spem anto nos periculo exemissent, in sacram nostram ædiculam

ædiculam conuolauimus. Exerciti sunt apud nos piis commentationibus inter alios duo Equites Hierosolymitani, & Panormitanæ Ecclesiæ Canonicus.

RESIDENTIA CHIA ET AGRIGENTINA.

INGENS est eorum numerus qui ex Græcorum ad Latinæ Ecclesiæ ritum transeunt; tantus sanè, vt templo nostro, quamuis non adeo angusto, capi ad audiendas conciones nequaquam possint: tanto autem nos honore colunt, vt cum suos Sacerdotes Papades vocent, nos tamen sanctorum patrum nomine compellent. Introductus est Eucharistiæ, seque ipsos flagellis ædendi frequens vsus. Pueri tum litterarum, tum Christianæ disciplinæ rudimentis instruendi, adeo frequentes sunt in scholis nostris, vt id admiratus Insulæ Gubernator cum suis asseclis, Turca licet sit, sponderit tamen se nostram inopiam eleemosynis adiuturum: id autem professus est, cum in alteram gymnasiarum intrasset, & pueros ibi à nobis nulla mercede instrui percepisset. Adolescens quidam diuitiarum cupidine insanus, dæmonem sibi, vt earum compos fieret, aduocauit. Tum ecce tibi duo viri peregrino cultu, atque habitu, de adolescentis domo ex vicinia percontantur: peruenit ad miseri aures eius rei rumor, quamobrem admissum facinus detestatus, ad sacerdotem nostrum properat, peccata aperit, & plane noscitur bona conscientia diuitias nullas esse præstabiliores. Nihil omnino nouum, vel quod de aliis non memoraueri-

rauerimus, Agrigenti accidit.



P R O V I N C I A

N E A P O L I T A N A .

CONTINET hæc Prouincia, Societatis habitationes 12. Domum Professam 1. Collegia 10. Domum Probationis vnam. Itemque Residentiam vnam.

IN his degunt Socij vniuersim 403. In domo Professa Neapolitana 80. Sacerdotes 38. Nouitij 4. Reliqui Coadiutores. In Collegio ibidem, 153. è quibus Sacerdotes 34. Magistri 18. Scholares 82. Reliqui Coadiutores. In domo Probationis, Nouitij 37. In Collegio Nolano 18. Sacerdotes 11. Coadiutores 6, Magister Gramaticæ vnus. In Beneuentano 13. Sacerdotes 6. Magistri 3. Reliqui Coadiutores. In Barenfi 12. Sacerdotes 5. Magistri 2. cæteri Coadiutores. In Salernitano & Baralitano, vtrobique sunt 12. Sacerdotes 5. Magistri 2. cæteri Coadiutores. In Lupiensi 24. Sacerdotes 12. cæteri Coadiutores. In Aquilensi 13. Sacerdotes 5. Magistri 3. cæteri Coadiutores. In Theatino 12. Sacerdotes 5. Magistri 2. cæteri Coadiutores. In Catacensi 16. Sacerdotes 8. Magistri 2. Scholares 2. cæteri Coadiutores. In Tropeensi Residentia, Sacerdos vnus. Mortui in hac prouincia 12.

DOMVS